

明燈寶鑑

仁愛部





明燈寶鑑

◆ 仁・愛部目錄 ◆

謝詞	護國九天宮	04
無極懿旨	瑤池金母大天尊	05
護國元君	九天玄姆	06
南天文衡聖帝	序	07
大成至聖先師	序	08
濟公活佛	序	09
《仁部》		
第一章	恤寡憐孤篇／文昌梓潼帝君	12
第二章	放生養仁篇／大魁夫子	14
第三章	戒殺愛物篇／護國元君 九天玄姆	16
第四章	戒食牛犬篇／太陰星君	18
第五章	墮胎棄嬰篇／南海觀世音菩薩	20
第六章	行仁修身篇／護國元君 九天玄姆	22
第七章	貪利違仁篇／張桓侯大帝	24

第八章	戒盜守仁篇／太陽星君	26
第九章	逼娼害仁篇／南宮柳星君	28
第十章	濟急扶危篇／岳武穆王	30
第十一章	販毒損仁篇／凝陽帝君 李	32
第十二章	擄童棄仁篇／清水祖師	34

《愛部》

第一章	愛惜五穀篇／湄州 天上聖母	38
第二章	崇儉勤愛篇／護國元君 九天玄姆	40
第三章	知足惜福篇／驪山老母	42
第四章	兄弟和愛篇／朱熹夫子	44
第五章	敬惜字紙篇／復聖 顏夫子	46
第六章	和睦鄉里篇／天仙狀元 邱長春真人	48
第七章	治家修身篇／宗玄明德眞君 譚長眞	50
第八章	夫妻敬愛篇／護國元君 九天玄姆	52
第九章	敬長慈幼篇／重陽祖師	54
第十章	廣愛無私篇／開漳聖王	56
第十一章	械鬥勸息篇／冉伯牛夫子	58
第十二章	勸惡助善篇／東嶽大帝	60

蓋聞爲善必昌，古今明證，施德不報，聖哲仁心。莫謂霄漢冥中，難知天威，善德乃人本份內事，是以善小勤積，善始善終，足爲神佛默爲呵護。今民風怪異，邪說玄斥，神道設教，飛鸞教化，降筆著書，醒頑愚巧罔覺，極邪風於無形，化道之奧妙，實非人所能測也。

此《明燈寶鑑》共分八部，自歲次辛未年每逢鸞期降筆著書，至丙子民國八十五年全部告竣，時因遭際財物維艱，出版進行中止，邇主席九天玄姆、文衡聖帝迭降鸞，嚴厲督促，速予付梓頒佈宇內。奈匱乏剗剛之資，謹將忠孝、仁愛、禮義、廉恥四部加訂冊增，用邀諸賢，敢懇吾台疆寶島四方各界人士，踴躍參加，真誠美舉，則群策群力，竭誠鼎助，庶幾或可挽頹波於來茲，振隆風於萬古。

今幸得遂棗梨之舉，仰賴贊襄，叨傾囊之厚援，感《明燈寶鑑》之造就，雖曰投桃不冀報李，然本宮社受其贊者，豈敢外諸懷抱，今誠感揮毫銘謝，俯仰神馳，低徊意重，詞未殫於修牘，謝盡微夫之忱，伏冀鴻涵，曷勝省忤。

恭

呈

諸位賢德鈞鑒

護國九天宮忠孝堂
修緣雜誌社

鞠躬謝啓

欽差大臣無極駕前 何仙姑 降

詩曰：道統明燈賴會通，桂香几案把身躬，

龍章鳳藻千秋炳，慈航廣佈化九州。

聖示：吾今奉

無極老中懿旨賚詔宣讀，神人俯伏，叩接懿旨。

欽奉

瑤池金母大天尊懿旨曰：

中居瑤池，心存好生，恩沾草木，德被乾坤。邇年來人心不古，世風丕變，孽海汪洋，爲子不孝，忤逆爹娘，爲臣誤國，殘害忠良，夫妻不和，目反帷房，兒子不教，變成犬羊，字紙不敬，聖道淪亡，是非長短，握髮難數，善則降祥，惡者降殃。人心至此，於焉倒置，四維八德，遽爾沈淪，案定天律，災施八劫，非中忍出於此劫，實下民所自召耳！

時下至今，無君無父，忘仁舍義，三綱五常棄如江東之海，其罪匪淺。斯時尚不悔悟，更待何時？夫臨事知悔，猶如江中補漏，悔之恨切，猶如勒馬臨崖，其咎歸與哉。雖此凶災日下，中不忍不教而誅之，奈何人鐵石之心，竟視中意虛虛幻幻，是可無也。不肯信受奉行，眾生譎辯之心，其罪雖不勝誅，中心亦何以安？

今慶有北台護國九重宮忠孝堂，九天玄姆、關、呂、張卿，協同三教諸天仙佛，請旨再著金篇醒世，中著意許久，鳳顏幸悅，賜旨乙道，令駕前何仙姑

賚 中懿詔傳宣頒佈，題賜書名曰：《明燈寶鑑》，開教化於萬年，冊分八部，每逢鸞期，設案叩首，迎迓聖賢，隨方顯象，擇施飛鸞，字字珠璣，針針見血，爲宇海內諦增一慈航，廣佈天下。期盼諸子有始有終，陪著天書，待書成完竣之日，論功加爵，並繳交三冊，三曹對案，勿負中意。

欽哉勿忽，叩首謝恩。

天運辛未年菊月初二日

序

護國元君 九天玄姆 降

詩曰：明燈照耀遍三千，寶鑑醒世勸迷顛，
金箴闡教慈心現，救渡羔羊登岸先。

又詩：綱常八德振古風，忠孝道脈繼中庸，
物格率性人倫守，滾堯舜政述儒宗。

聖示：吾今夜特爲《明燈寶鑑》乙書作序。

夫聖人立教，以經書傳於後世，憂天下人心不正，矯柔僞私，逆天背父，顛次倫理，悲心哀嘆！縱爾古聖洩其真詮，嘔心泣血，盡闡聖章賢典，然斯值文明末世，人心難見古風。輒而殺親弑妻，或巧詐欺心，指數難陳。今鸞門闡教，儒宗正道再顯救世，三界高真復轉人間再述寶篇，警世勸迷。今臺瀛護國九重宮忠孝堂，諸生心生悲憫，欲挽狂瀾於既倒，誠感 中心。特賜懿旨乙道，每逢鸞期著作《明燈寶鑑》，由吾會同列位聖真合著，寶鑑列冊分八部，以「忠孝、仁愛、禮義、廉恥」每部分十二篇，計九十六章，著完爲止，盼爾諸生使命重擔，再承天命勞其筋骨，共著天書，救挽眾生於彼岸，值此著書前夕，特聊數語以爲序。

天運辛未年菊月初九日

護國元君 九天玄姆 降序於護國九重宮忠孝堂

序

南天 文衡聖帝 降

詩曰：忠孝古傳承道統，敦仁復古繼聖宗，
明燈寶鑑承堯舜，再振綱常挽頹風。

又詩：三墳五典現仁風，昇平盛世推大同，
八德禮義秉遵守，啓愚轉智悟真龍。

聖示：今夜特降爲《明燈寶鑑》乙書作序。

蓋溯往上古三代五帝，唐虞盛世，曉遵天理，思復三代以下，民私逆天，存僥倖詐僞，見孔儒之道詩書禮樂，廢儒敝屣，曲學爭鳴，朱墨之害盈天，三綱既廢，五常全失，忠義斷絕，夫婦爭於帷房之內，兄弟分於蕭牆，民心既已反常，天心豈有坐視？本欲臨劫而誅之。然三界聖真奏本，不忍蒸民俱焚，值護國九重宮忠孝堂諸生欲挽狂瀾，有心世道沉淪，奉旨著作《明燈寶鑑》，三界聖真聞此喜讚，同領懿旨期期降臨，闡化金箴寶訓，實用心良苦矣！

值《明燈寶鑑》再振儒宗心法，傳承聖賢遺典，追泗水之風，延禮孔孟聖學，冊分八部，義深詞賅，願爾世宇人等聞閱寶鑑，皆能警目觸心，共挽頹俗邪風，趨於祥和之境，俚言片語爰之爲序。

南天 文衡聖帝 降序於護國九重宮忠孝堂

天運辛未年九月十六日

序

大成至聖先師 孔 降

聖示：吾今夜特爲《明燈寶鑑》乙書降鸞作序。

夫神道設教，補政法之爲末；聖賢經典，醒迷人之性。鑑古思今，上古之時演禮義敦仁風，斯爲海宴昇平之境；下古至今卻視禮樂詩書爲具文，笑仁義爲多事，鄙禮如迂談。縱觀爾輩斯文賤地，「士」居蝸廬而妄思厚祿高爵，「農」處幽室而逸閒情事，「工」勞體膚而貪樂利賂，「商」本務實，視利薰財見末。世宇眾生既趨利忘義，道德失、五倫廢，此乖戾風尚，三界神佛聞之生悲憫慈心，協同請旨飛鸞闡教，開演堯舜儒風，今值護國九重宮中孝堂奉懿命著作《明燈寶鑑》，倡忠道揚孝風，是佛聖等之苦口婆心，此部書冊分八部，正合三綱五常，足可抵末世之邪風，遏歐美之逆流，盼閱得此書，棄黑暗求其明燈指引，修寶鑑苦海早登彼岸，今宵俚語予以爲序。

大成至聖先師 孔 降序於護國九重宮中孝堂

天運辛未年九月二十三日

序

濟公活佛 降

詩曰：八德綱常醒人寰，忠孝列首承聖賢，禮義切汗敦古訓，嘉言馨香萬古傳。

又詩：明燈慈航指迷津，寶鑑醒世勸果因，閱驚觸目獨處坐，回頭苦海悟前身。

聖示：老衲降鸞特爲《明燈寶鑑》天書乙部作序。

嘗思不教而殺謂之虐，不戒視成謂之暴。聞古而今，俗風相若天壤，遐哉也稱堯舜禪讓之盛世，近也觀爾難見忠臣孝子，卻聞弑親逆母，獍狐者城巷滿街，朋比爲奸，陽奉陰違，此等倫理已喪，何嘆欲挽頽風者爭相奔告，善組宗教。邇年來天門重啓，鸞堂迭建，斯乃天運之勢，今護國九重宮中孝堂諸生不忍孔子血廢弛，請巨著書蒙天垂照，天纓賜書名曰《明燈寶鑑》，雅名頒世，盼爾士農工商並及官宦軍民，聞書醒悟回頭，捧寶鑑猶如珍珠，絲毫莫敢以輕心，切勿心生毀謗，棄如敝屣。是善者精勉奮勵，是惡者奉爲規臬，如是成效斯可達平樂之境，值著書前夕俚箴數句，爰之爲序。

濟公活佛 降序於護國九重宮中孝堂

天運辛未年十月初一日



明燈寶鑑

仁部

護國九天宮忠孝堂 印行



第一章 恤寡憐孤篇

文昌梓潼帝君 降

詩曰：琵琶難向月中彈，淚灑衣襟血染丹，

恤寡孀婦施援助，憐同竹節詩心酸。

又詩：幼子失怙甚悽然，孤貧無父撫育難，

爾聞斯境同憫惻，天神呵護在堂前。

夫側隱之心，人皆有之，而天下最可惻隱至憐者，惟孤寡也，其孤者無父，其寡者喪夫。獨念居孀之婦，空房寂寞，金石為心，柏舟矢志，聞節未變，雖嗣續各異，境遇不一，倘家貲豐腴，繼嗣有傳，其節操自不容所改。無志之孀婦，若無繼嗣，且家無儋石，未必能安此清貧。然有者守其孤兒，孝養翁姑，代以夫養，其節亦堅。今孤寡無依，孤兒也呼天無淚，可向誰人訴苦，無父以養成。孀寡者空對幃房，寒被錦裘，思求鳳凰之侶，效睢鳩匹配，奈何命運波巔，作弄琴瑟，世情冷暖，欲求庇而身誰依，徒慨嘆而哀感，又有誰人憐此覩斯情景？



是必天地為之心傷，白雲芳草，風瀟雨淒，鬼神為之泣憐。深知圓鏡一破，孤燈作伴，同宗族輩，或伯叔長者，當竭力周全，施援救助，加以保護，待撫孤兒視如己親，飲食教誨，事事關心，俾使孀婦生活時有所望，於年老時有所靠。倘寡族少親，無伯叔可依，鄰里鄉黨見聞必扶。凡衣食而分，助寡撫孤，一切所施必要著實，平日施捨，由內眷代勞與人往來。古云：「瓜田不納履，李下不整冠」，心本無他，惟恐非議，反敗節婦之名，有辱己身之玷，為孀嫠聞此恤助，必以清平之境，切勿心動，遭人譏唇之毀，以撫育孤子為依，謹言慎行，當得鬼神呵護，眾人扶持。

然歲有常期，而親戚之顧問無常有也，出入庭闈，動有定時，雖孝敬翁姑，亦當養子善教，而寡孀之婦其德也全，其節也堅。世之仁人君子，目擊心傷，必廣懷仁慈之念，傾囊以資，憫恤賑濟。所可恨者，此世竟有味良之輩，欺噬孤寡，戲孤者無父可依，欺寡者無夫可恃，強壓迫害，何人能不為之打報不平哉？

嗟乎！此豺狼宵輩，天地所不容，人神所共憤，況孤寡面臨窘境，室如懸磬，已屬可憐哀憫。今爾欺其孤寡，將來因果昭昭，後代子孫亦淪為孤兒寡孀，此刻將心比心，豈能輕易妄為？為人當厚道仁心，拔助孤寡，周濟孀婦，必也子晏鹿鳴，子孫榮昌。是故欺孤寡者，陽損福祿受絕嗣之報，陰人冥司受刀鋸之刑，報應如是，詎不懼哉？倘若逢孤寡，寒無以衣，則施其布帛；飢無以食，則濟其米糧，爾等善德，誠能見義勇為，天道至公，必當報以福德，子孫馨香，盼爾諸仁仕，勉而奉行。

第二章 放生養仁篇

大魁夫子 降

詩曰：放生養物陰功全，妄殺生靈招禍愆，
善德君子守仁義，福添子孫得安然。

夫天地有氤氳之氣，而化生群倫；陰陽有交感之機，而孕育萬物。生靈有感，鱗介羽毛之屬，尚知貪生惡死，胎卵濕化之類，亦曉求生護己，由此觀之，人居萬靈之首，豈能不知惜生之貴乎？天地之大德曰生，上天既有好生之德，人豈無惻隱之心？是聞飛禽走獸，遇擒則急奔，蟻蟲蟲蟻，臨敵則逃生，而割雞宰鴨，殺牛烹羊，其哀鳴慘叫，耳聞聲悲能不慟心無衷乎？甚有遇父母壽辰，豬羊全頭，雞鴨滿席，大開殺戒而敬天禮神，其等妄殺生靈，以媚孤魂，是陷父母於不仁，加深物命之冤怨，而罪殃於身。

今之善仁君子，時捐未用之餘資，行放生之厚德，能挽畜類續命於刀鋒之巔，救急哀禽回生於鼎鑊之上，乃仁之表徵，其為陰德，蓋可知也！但世人放生，多擇課定時日，廣購生命，使射獵之夫，搜遍山林而網羅；誘討漁之翁，垂釣撈捕以售之，反讓生靈困斃，此舉欲救生靈而反害遭受其劫，是以殺為放也。宜隨緣至貨市之場，耳目所及，視物屬性，隨便買



放，是謂放無擇期，乃真放生也。故世人放生聚資買物，當思其適應地利生活，而慎擇山林河沼。倘恣意殺生，相習成俗，反致累積冤業，因果循環，自有其理，今欲延生，必須放生，放生之義，乃惜生養仁，此為消災卻病，延壽康寧之良方也。

天地通於太和，鬼神護於仁德，自古鑒今，聖人仁心獲報善果歷歷可考，放生善錄不勝枚舉，昔成湯網開一面，愛物仁民；子產畜魚之舉，而全魚命；楊寶採花養雀，而德蔭子孫；宋郊編竹救蟻，科舉得魁；孔愉救龜於吳興，微職成公侯；既知古聖賢人因放生得天垂厚以福報，吾等聞之，焉能不效法以為習？反觀世間凡夫，每因謀利而戕生；饕餐之徒，祇為口腹而害命，其罪當為因果所報，世人豈能不謹慎否？

諺云：「經營還債，勝如佈施；結會放生，何似戒殺。」而有者甚以壞垣而破壁，覆巢以毀卵，棄羶聚蟻，積水生蛆，珍玩魚鳥，飼物而養，雖我無殺生之心，彼則有枉死之道，皆宜避忌。然生物何辜，世人未能明察秋毫，竟無故殺生，此亦為種罪之因。若遇生物遭噬觸網，放之未必生還，更宜救養，使其恢復，待傷癒而放，切莫因受傷而罔顧其命，隨而放生，豈不因放而自滅？

今昔仁人善德，存不忍之心，愛物命如人命，化殺機為生機，舉動思念抱民胞物與之仁懷，勿畏憚勞而阻善念，時以捐資，隨緣隨力，廣勸民庶周全物命，護物而生，莫以戕害生靈，而損短命。凡爾善德平日仁厚放生，當蒙天眷顧，添增福祿，去病延年，遠避邪禍。欲得天佑，必以放生而得感應，昭昭史例，絕非謬言，盼爾世人等，謹遵奉行。

第三章 戒殺愛物篇

護國元君 九天玄姆 降

詩曰：戒殺愛物免刀刑，惜福延生寡慾精，
利人敦善行陰騭，世清安樂慶太平。



夫以世人不惜物命，圖彼甘美，恣腹貪饕，任其宰殺生靈，慈心全無。殊不知人與物同，皆俱性靈，惟以人能言而物不能言。人為萬物首，禽為刀下囚，人物自天地生，生死莫不皆然。試思：天心好生，人心好殺，見活物人湯燒滾，受刀割鼎鑊之刑；哀鳴刺血在喉，嘶聲淒厲，種種痛楚，慘不忍睹！爾等豈無惻隱之心，見死不救，為肥己身，反將大快朵頤，競紛啖食，其血腥充斥，有違天地祥和，鬼神為之怒憤。今一家殺一命，百家殺百命，累積千萬，致殺孽戾氣，造世間刀兵盜賊、災傷刑戮之劫，此乃因果報應之理也。

反觀人皆知惜命愛身，偶傷燙火、刀針刺肉，必號哭求救；若頭昏腹痛，便呼醫買藥，貪生畏死。今物同此心，可知禽畜萬物慘遭剝肚抽腸之苦，嗚哀就刑，殊不知世人習以為常，造業匪輕。孟子云：「見其生不忍見其死，聞其聲不忍食其肉，是故君子遠庖廚也。」《禮記》亦云：「天子無故不殺牛，大夫無故不殺羊，士無故不殺犬豕。」既聞聖賢仁君非

故不殺，實乃仁懷之本。視知群類啄動之物，莫不有性，小者鹿母痛兒，鵲巢毀卵，濕生蚊蠅亦曉驚飛逃之，身為萬靈之首，屢害生靈，豈不為之憫恤乎！

古往今來，每因謀利而戕生，常為飽腹而害命，其殺孽日積而多，其禍近報己身，常生無名腫毒；遠報子孫，消滅福祿果報。世人既無仁人之心，實有違上帝好生之德！彼聞富貴賓筵席設，異珍奇饈，調和烹膾，堂上歡呼，飽腹充腸，一盤數命，一食萬錢，何知廚中羅列滿屍，怨氣四起，他日命終氣斷，三尺孤墳野坵，半盂米麥亦不可得，是爾造罪消福，苦受因果之報。

今若遇疾病身苦，不知保精寡慾，惜福延生，妄希滋補傷殘物命，肥潤肉身，孰知殺物燎生，反促折壽，病延床第，疼痛難癒。若逢父母新喪，延僧請道，大開殺戒，祭祀靈堂，豈不陷父母之魂於不義？況喪以哀為主，為人子者應以蔬食齋戒，為之生前懺罪。至於新婚娶婦，所望後嗣昌盛，若殺生過多，生理先傷，欲得世代繁衍，豈可得耶！遇己誕辰壽日，更宜深念父母生我之難，當宜茹素祈福，為父母力行善德，以報生恩，不宜刀砧戕傷物類，是善君子持齋戒殺為人之仁也。

今倘未能斷除肉食，當知學習古賢四不食之戒殺法，所謂「見殺不食，聞殺不食，自養者不食，專為我殺者不食。」如此遵法行之，當可化殺氣為善氣，仰體天地之德，善養仁性之心。願爾世人等常存戒殺之念，廣行仁道，若能守戒，天地歡喜，神明樂幸，自可刀兵免刑，世清安寧，佑子登科，後代隆昌，福德綿延。

第四章 戒食牛犬篇

太陰星君 降

詩曰：宰殺牛犬喪天良，惱怒神靈報罪殃，
仁德忠義毀殆盡，折損福澤定天殤。

竊自子會開天，星辰羅列，丑會闢地，山川縱橫，萬物俱備，惟人為貴。人與天地並列三才，上體天心，下俯地德，其行必以天地之仁為宗。奈今世人貪欲張狂，噬食無分，舉目生念，莫不以生靈充飢，牲畜祭肚，喪哉物命，殘殺無忌，人心何在？享饕餮之食，又何知畜禽之哀哀悲鳴？尤以牛犬二物，為物最靈！人但知宰之以佐甘味，食之以滋口腹，而不思牛犬為獸中之善，益於人者多矣！

試思：牛守忠，勞其一生，風霜耕地，盡其力畢其勞，從不哀怨；犬守義，看顧家門，三更五時，終夜無眠，克守安危。但聞牛夜眠不過三更，逢寅必出犁田耕耘，時至午酉，隨主歸止；而犬日於朝卯，停守家門，夜寐房宅，防樑上之強盜，警鼠竊之翻牆，犬牛即知守此仁義，何人而不為？此二者生不辜主之義，死不負主之恩。爾為主人豈能不養育而護生？



而隨意輕棄宰殺，此舉有失仁道，亦非人之所為也。

上天有好生之德，人當效天之仁。今爾牛勞筋力一生，為主人得其糧，雖不為銅筋鐵骨，終亦體衰老弱；其貪鄙細民，苦其無用而賤貨之，為得市利，待價而沽，以繩縛束屠宰，貪圖孔方，出賣肥己。可知牛兒，淚流哀鳴，無見主之悲憫，鬻價而售，宰以口腹，刺以刀刃，割喉及腹，剖皮截骨，血肉淋漓，痛徹心肝，既以肢體分解，頻添庖廚腥孽，又有誰知牛魂痛哀難言？爾等稍有良心者，於心何忍？

且觀犬兒盡忠守義，縱爾舊主鞭撻，未見餵養，仍回頭乞憐搖尾，示好親近；或有犬兒老病逐棄，亦知循跡找路，返回主宅，續盡其職，月夜瀟瀟，人寢安眠，必例守家門，其知報主之恩，是犬之盡忠也。然竟有主人未念舊情，謂其老朽無能，手刃殘羹，賤而宰殺，供眾分食，是主人不慈，無視犬之忠耿，令人慨嘆！

當知牢下從牛，獄字從犬，世人倘若不仁不義，為謀一時圖利，恣口爭食，宰殺牛犬，因果恢恢，疏而不漏，必得後代絕嗣之果報，無常一到，罪情亦難容，此世思食他之肉，後世必為他所割。奉勸世人勿因牛犬老而殺生，勿貪牛犬肉而損仁，念其忠義，戒殺戒食牛犬，則可積仁德以厚子孫，獲福無窮也。

第五章 墮胎棄嬰篇

南海觀世音菩薩

降

詩曰：貪慾濫情任結胎，棄嬰失養生怒尤，
命懸朝夕難保守，死無葬身黃土丘。

又詩：違逆人倫罪非輕，墮胎害命鐵石心，
虎毒尚且不食子，殘殺嬰孩孽海沈。

夫以天地陰陽化合，茲生萬物；男女乾坤有道，繁衍綿延。《易》曰：「乾道成男，坤道成女。」乾坤之合，精血妙化而成形，天賦性靈，呼吸存養而得生。孕育生命，何其尊貴，得之不易。是以乾坤男女，運作世情，生兒育女，各有所歸，人不可輕易墮胎棄嬰，而乖違人倫正道。

嘗聞世間殺孽，惟殺人之業為重。殺人之中，惟父子相殺為最重。而世有虎狼，尚無見自食其子，乃天性至親，何忍自戕骨肉乎？今世竟有蠢婦心毒，暗昧天良，扼殺親子；或結胚胎而墮之，或生嬰兒而棄之，此兒女何辜？嬰靈何罪？慘遭滅生之路。甚見天寒地凍，棄



幼嬰於無人之處，倘遇貴人尚有一絲生機，否則豈不多添夭折之魂，此等鐵石心腸，天地鬼神為之憤怒！獨不思殺人償命，實國法所難容，此父母之不仁，豈可無罪於天地之間？天道至公，報應昭昭，何能殘害生命曝屍而無果報？

今之未婚男女，放蕩無羈，喜自由、蔑禮儀，自甘墮落，伴侶無拘，一夜偷情，有朝一日，大腹便便，不負責任，遮羞難掩，爾等竟為防出醜而遭人非議，屢行服藥打胎而後已。更有已婚男女不惜名節，恣意與外人苟合，偷歡作樂，暗裏打胎，瞞人耳目，以為神不知，鬼不覺，豈知天鑑分明，因果業報，記錄分明。亦有不法庸醫，貪圖小利，讚誇術精高明，慣用墮胎之術，傷陰德於無形。或有狠心父母，多胎生女，無子而求子，日望弄璋求不得，欲延宗子嗣，每知妻懷女息而生怨，隨意輕打胞胎，妄殺生命，有失仁道。且觀蟲蛇鳥獸，猶能覆卵護生，啣物餵養，微物尚知生命之貴，豈可人能不如禽獸乎？

是故為人父母，切莫愛之欲其生，惡之欲其死。若因多產而厭生，自當遏色節慾，不宜戕害，倘身懷胚胎，必有前因而來，切勿墮棄胎嬰而心存微倖，有謂：佛怕因，人怕果；無因不來，無債不纏。世人習以墮胎棄嬰，而殘害生靈，其罪非淺。甚有身遭無名譴傷，醫石枉效；家運屢逢阻礙，欲振乏力，實為虧損陰德所致！

奉勸爾等婦女，打胎棄嬰已失仁道，切不可一犯再錯，應知守貞保胎，不可縱慾而受孕，此惻隱之心蕩然全無。若一意孤行，不聽吾言，除損身衰敗而不孕，死後恐受幽冥陰司血池之刑，若能行善積德，以補罪愆，寡慾修身，常持仁心，後代自當昌隆有期。

第六章 行仁修身篇

護國元君 九天玄姆 降

詩曰：行仁孕物萬法生，修身致知民風淳，

愛人及物天賦性，育化萬靈復古真。



竊以仁為五常之首，義禮智信無不統括於中，並為四德之基，是乃萬善之端。孔子曰：「求仁而得仁」，孟子曰：「惻隱之心，人皆有之。」惻隱之心，乃仁之端也，人人本自具足。可知仁為秉彝之性，推而彌廣，渾然見於天覆地載之中，上至青天日月照撫，下臨地闢育成萬物。

是以仁君施德政，愛民助民，人倫敦守，化於父子、夫婦、朋友，非仁無以殫克復之功。古來聖賢，由堯、舜、禹、湯、文、武、周公，帝王行仁，謂之仁政、德政。行於社稷，慈祥愷惻，放眼四海，納諸一心，誠屬齊家治國之範也。聖賢仁範，後世傳承「仁道」並效法為之。

試觀天地行仁，雨露風霜，四時運轉，寒暑迭替是行仁也。縱天操生殺之氣，實乃節令



有序，非是不仁。地行仁道，必也萬物榮枯，窮通起落有時，天心不變，亦是順八節天理行仁，非有損也。子曰：「君子無終食之間違仁，造次必於是，顛沛必於是。」獨其世人未體天地之仁，卻行以違仁，敗賤其身，心慾多貪，處富貴而不仁，處貧窮而背義，欲求生以害仁，是為小人處世，亦為社稷之殃也。

天道無私，唯德是輔，仁道博愛，施於萬物，及物利人，抱以好生之心，又何忍加殘於黎民？且觀物類之性善者，莫如麒麟，不行邪徑，不履生草，螻蟻之屬，不忍踐傷，故古人稱為仁獸也。爾世人苟行為不正，性好傷生，則不如麟獸乎？茲因未能扼慾修身，父不慈，子不孝，仁道不察，顛倒逆行，所謂天地不仁，以萬物為芻狗；聖人不仁，以百姓為芻狗，既父子未親仁，天地已偏，又如何興盛，何來子蘭孫桂？

倘聞家庭不仁，難期飽飯一餐；兄弟不仁，手足每起干戈；夫妻不仁，琴瑟安得娛歡？家道終難興盛；子女不仁，棄親如陌路敝屣，其後代能行乎孝否？是故人慾橫流，此仁性矇蔽，豈自損損人？為人者當也效天之仁，時刻惕勵己身，躬親省作，以人飢己飢之情，效聖神之行。世人若肯回登覺路，士農工商，富貴貧賤，履仁行仁，家道亦昌，閭閻家當光耀宅第，自可國治太平，勉而奉行。

第七章 貪利違仁篇

張桓侯大帝 降

詩曰：多貪巧詐惹災殃，罔顧陰功罪滔凶，
富貴好比水中月，花羅鏡裡一夢中。

再詩：人生富貴片時休，名利由來莫強求，
施財仗義添延壽，賜君兒孫永無憂。

夫天下者以「貪」為最易造孽，亦為禍害三毒——「貪嗔癡」之首。貪心勝則無饜足，利違仁則失廉恥，貪財實為喪心之媒，為釀亂之源。世人每每因貪違仁，以此飽足需求，然富貴貧賤際遇各相懸殊，實乃各人因果福報不同。雖曰人不可無財，無財則困窮斯濫；人亦不可重財，重財必為富不仁。蓋以「財」本利天下之用，若朝勞暮碌，放利而行，貪得無厭，苟非義強求，縱得之愈多，福德不及所蔭，終難安享也。

倘天之待爾獨厚，富貴有餘，則當施財濟貧，周濟急難，廣行善事，仰答天恩。莫以片



善不行，藉權勢以害良民，狐假虎威，為所欲為。今得富貴，假仁虛偽，戴仁慈之具，行喪天職良之舉，里民為之矇蔽，自稱好施樂善之輩，實為騙得虛名，盡是欺世盜名之小人。

所謂「君子喻於義，小人喻於利」，終究巧營鑽謀，朝夕營營而漁翁得利，沾沾自喜。有則放輕收重，賤人貴出，放貸高額，得其重利。今有貧寒之士，家無儋石，欲求濟一時，周轉不計代價，登門借貸，求助錢莊，而其不肖之輩，竟恫嚇敲詐，或以家產執照，或以票卷田宅，以為押債，令求助者陷於窮窘之境，求助無門。爾等需財或為生計養妻兒，忍不得眼前之苦，何計日後之慘痛。倘若期至未清，子母加息，利上加利，債築高台，永難翻身。爾等貪酷之夫，行徑罔顧天良，貪此錢財逼迫貧賤，乃為富不仁也。

古人有云：「知足不辱，知止不殆。」況財之流通聚散，本自無常，縱爾金谷勝如石崇，銅山遠比鄧通，邀榮華於一身，坐擁家貲，寤寐焦思，權勢寵貴圍繞，卻似曇花水月，虛幻泡影，轉眼亦成空。今營營逐利，貪不義之財，逞求伎利之餘，遺於後代，殊不知富貴加身，當思天眷厚報，非以權貴壓嚇賤愚，當以履仁救急，以合上天好生之德。

試問人逢困境，急需待援，情何以堪，此心何忍？有謂「四海之內皆兄弟」，民胞物與，悲天憫人，吾人能不施以惻隱之援，助其脫困境否？奉勸爾輩勿貪非份之財，行正道，勤拙而獲，貪利之想當拋廢，行厚道，造福里仁。若多行不義必自斃，一旦無常及身，為子孫啟驕奢淫佚之患，黃泉路上，始悔生平之視利，錢財帶不走，惟有業隨身，此時方悟，豈不晚矣？奉勸爾身染銅臭者，能不及早回頭醒悟，以此為警鑒乎！

第八章 戒盜守仁篇

太陽星君 降

詩曰：劫偷取奪昧天良，不義財銀莫盜嗜，
仁心善報子孫蔭，德積激化梓里揚。

夫天地生人，世民咸守，賦於百般藝業，各從技能。士農工商，各依本職，素位本份，註與衣祿。上可扶養雙親，下安妻媳子女，勤而精勉，以樂本業，何曾使其窮餓，而終其身哉？

奈何今宵小之流輩出，不修品德，趁黑夜躡足隱形，聚狗黨而攻門劫奪，不務正業，遠君子而親匪僻，自甘墮落，為樑上君子。習以偷盜斯物及攔劫財物，或打家劫舍，種種胡為，藐法殃民，欺天滅理，只圖短暫虛華。若貧者被害，雪上加霜，生活本已艱難，再被劫取身家財物，豈非逼人至絕境？此情何堪？倘於竊盜殺人，草菅人命，豈不喪盡天良，泯滅仁心，視國法陽律於無存？爾輩小人，乃社會之毒蟲，既觸法網，當受國家律法之制裁，因果業力之牽纏也。



人為片念之差，已使祖宗蒙羞，門第玷辱，家道聲譽毀於無形。今淪為鼠偷蠶輩，橫流鄉里，人格背棄，無端惹出醜事，正人不與為伍，宗族視與為仇，東西南北無處可依，子孫遭唾，更無容立於鄉鄰。是故，爾為宵小，必身躬反省，悔改從前，是為大幸。

太上有云：「禍福無門，惟人自招」，過而能改，庶無過矣！偷盜一途非正道，爾斯不為君子儔，寧為小人輩，既悔為樑上客，心勿生貪，則不生盜竊。須知攘雞攘羊，免作刀頭之魂；盜物盜財，難逃牢獄之災，此刻未曉淪為階囚，刑罰輕者一年三秋，重者三載多年，容顏憔悴，飽受蚊蟲叮咬錐苦，暑熱飢寒疾痛。爾為不仁不義之輩，挺而走險，只為利慾薰心，然因此而受害者，難以指數，甚而損失傾家蕩產者，逼迫輕生，受傷終身肢殘者，懊惱懷恨。爾等視財如命，目光如鼠，造罪萬千，上棄父母養育之恩，下未盡蓄撫妻兒之義，實令人汗顏可恥！

考究其因，曾祖失德，後代未能得其蔭佑，而導其正路。父母過慈，教誨失嚴，遂引邪曲徑，施予多欲之求，故行此盜竊之心。斯因好逸惡勞，淪喪心智，致墮落歧途。吾奉勸誤入歧途者，莫為短利而貪，去惡向善，當百藝擇事，善營謀略，行行出狀元，圖求一技之長，自可不振家聲，萬古馨香。



第九章 逼娼害仁篇

南宮柳星君 降

詩曰：泯滅人性罪難移，逼娼賤淫欺良民，
夫妻失義人倫棄，禍遺子孫惡報臨。

人配三才之中，稟五行之秀，具剛正之氣，得靈性之全，是以明禮知義，人文化成。夫婦始肇，本乎倫常，乾坤有別，出乎情止於禮，若見越禮淫邪之行，仁人所當力戒也。聞天下物，觀其睚鳩之情，無獨有偶而不相亂，鵝鶩禽屬，相依相隨而重情誼，物類尚且如此，人為靈首，豈可不如物之靈乎？

且聞時下慾海浪滔，淫風迭起，男人溫柔鄉，秦樓楚館視為上客，野花藏如嬌，紅顏勝糟糠，廢正業荒佚家室，待妻女冷漠無情，偏愛外妾而忘返。若逢場作戲，尚有挽回之機；倘假戲真做，已損害仁心義理。爾既顧影徘徊，流連燈紅酒綠，晝夜風流，貪戀花叢，坐擁其身而樂此不疲，耗損精神貲財，昔日定情誓言，毀於一夕，色慾薰心沈淪，終至身敗名裂。回思過去海誓山盟，巧言蜜語，今則路盡山空，求乞哀憐。

豈知萬惡應誅，淫亂倫常，竟有人夫，背棄人倫，施予苦肉之計，暗推鬼磨，逼妻賤身

賣淫，供其揮霍，任其恣情獨享。為人之妻，情何以堪？暗自泣憐，只怪遇人不淑，呼天喊地，落花無根，終歸何處？怨夫之不仁，無語問蒼天，命運如此折磨，苦海何時化清池？爾為男子，衣冠錦楚，棄仁義而不顧，此等行徑令人不恥，神人共憤也！

今時百業俱興，時下青年染習歐風，任縱淫慾，誘引黃花閨女或良家婦女，輒以投其所好，引入火坑。甚者，出入花街，竄遊流蕩，暗誘年華少女，給衣物供享樂，趁其不備，以錢財毒品為餌，迷喪其心志，恍惚無知，任其擺佈而賤殘貞操，污其白璧，損閨女名節，且予脅迫操控左右，賣淫以賺取虧心之財。倘有不從便施予蹂躪，惡拳交加，鞭撻嚇阻，實有如人間煉獄，慘不忍睹矣！

甚有狠毒父母，好逸惡勞，債築高臺，竟壞人倫而逞己私，鳩賣幼女，代酬償還，迎客賣身。有謂虎毒不食子，此等閨女年幼無瑕，竟落得璧損之途，親族含羞而無地無容。嗟乎！文明之世，此等父母，為利所昧，狼心狗肺，殘害逼娼，實天理難容也。

是故，人皆有妻女，何曾心甘而願妻女供人淫賤？爾為男子不知憐花惜玉，以竊玉偷香為趣事，視敗倫傷化若尋常。今生所行不仁不義，當知因果昭昭，萬惡淫為首，陽報斷其子嗣，終窮潦倒；陰報削祿減壽，榮華喪盡。今人家道不昌，運衰斷嗣，豈怨天道之不公，實自作孽不可恕也。若良心發現，轉念回頭，邪淫不犯，糟糠是守，則回頭是岸，天必留一生路。當知殺人一世，罪於一身；淫色犯之，累害萬世。故爾為男子，仁及妻女，克守人倫，多行善德，必可子孝孫賢，如此謹遵奉行，家道必昌。

第十章 濟急扶危篇

岳武穆王 降

詩曰：貧寒濟急添苦愁，秋聲高鳴即復揪，
扶危苦難行仁德，疏財仗義再積修。

竊以富貴貧賤，自有前因，乃命運之循環，猶四時之寒暑，明月之盈虧，非天道之獨厚於此，而薄於彼也。然富者當無驕寵，自無貧蹇臨身；貴者當無恃傲，亦無賤殘隨之。今人未察，違天地仁慈之心，視寒貧之士如草芥，棄似陌路，毫無哀憐之念。貧困之人亦乞周助，登門借貸，亦非其所願，時運不濟，無助待援，竟討救無門，無人願行方便。故欲典衣質屋，換取貲財安養家身，家無長物，鵠形菜色，痛忍鬻子賣妻，清償舊債。人間如此慘狀，無人問津，誰人施捨？爾不知草木為之悲淒動容，鬼神亦為之黯傷，任是鐵石心腸，豈忍心坐視不管？當也適時援助，暫度難關，此仁心之流露也。

貧賤只是一時，富貴豈可長保？倘身有餘銀，若能量力濟急，取萬文中之一財，萬粟中之一石，於生活無損，此積陰德之機，何樂而不為？《詩經》云：「樂只君子，民之父





母。」富者衣食充足，當福田常種，今則施予急難，亦為後世傳馨香之報。吾竊嘆斯世，富有之家，大率皆碌碌小人，視財利若性命，寧集錢財，耗資酒色，揮霍物質，習於平常而不皺眉頭，徒費金銀，耗盡帛粟，卻貧寒不恤，又何曾施捨片金片銀救濟助人？今日榮華享受，後日福盡，風水輪流轉，終亦流於貧賤而得禍殃，故富者能不生濟困急難之心否？

蓋善莫宏於濟急，德莫大於散財，捐資佈施亦為己而得福。嘗謂富貴無常，人生難料，禍福吉凶，唯人自召，端視仁者之施，遂增或減，故散財有處，必得呈祥。人之飢寒，濟急以粟帛；人之疾苦，濟急以醫藥；人之顛沛流離，周濟安身，免其苦難，如是施財有處，乃仁人君子之行。一人所能，必也多方倡率，鼓吹濟貧施恤之風，鳩集鄉鄰梓里，同助杼燃眉之急，解朝夕之危，務使慳者出穀，吝者解囊，共襄義行。

奉勸世人，切莫慳貪吝財為習，與其財奴守金，不如慷慨解囊，廣植福德。有謂天道好還，今施財濟貧天賜福，若任意濫用，多行不義，終致自招惡果。自古富貴佈施難，縱然非易，貴在濟急，若能善用恤濟貧寒，扶助危難之機，自有善報，是仁人之士，謹記奉行。

第十一章 販毒損仁篇

凝陽帝君 李 降

詩曰：販毒傷天法不容，損仁利己理難通，
惡因孽果憑心造，折壽短命無善終。

竊以人之初生，為精氣神妙合而成，精之靈為魄，氣之靈為魂，神魂晝起而動，精魄隨之夜而晏息，魂氣靜藏，而精魄抱焉。日夜有分，順天地之自然，始能陰陽調和而元氣保固，其人身心必健也。倘有毒物與臟腑不相宜，逆損血氣，此毒難容於身，時以久之，人受其誘，迷惑成癮，終日精神恍惚，荒廢正業，醜態難言。此毒物世人稱號為海洛英、鴉片、速賜康、紅中、白板、迷幻藥、安非他命等名，其毒性有如穿腸砒礪，一旦受誘，時以吸食而殘害己身，難以自拔也。無論王侯富賈，貧窮斗民，迷此毒物，宛如飛蛾撲火，自取滅亡。

尤以時下利之所誘，販毒走卒之輩，指數難陳。猶如毒蟲啃食人身，蠕蠕噬吞臟腑，其心狠毒，迫人上癮傷身，形如骷髏，家庭毀滅，田園典盡，致親戚覲面無顏，朋友則棄之不顧，兄弟乖離，甚至妻兒怨恨，終使子女離家，夫妻反目，此等罪魁，豈可饒恕？俱觀時下



青年男女，一味尋求刺激，空虛好奇，行舉偏激，明知販毒有損道德，猶不知悔悟遷善，所謂物不迷人，而人自迷。今既嗜毒如命，未加深思，後果之慘，任人摧殘誘引，作奸犯科，身心既已不正，爾等受毒販操縱，藉此以聚淫朋，狼狽為奸，其行徑如同行屍走肉，若此身陷入囹圄，鐐銬加身，今生豈不悔恨？不論家庭、學校，或社會，當各有其責，務使其導迷歸向正道也。

蓋人類為萬物之靈，吾中華地靈人傑，此毒品源引夷狄西藩，其毒種根由始於異域。觀今之世，吸毒染癮者，不可勝數矣！上至官宦，下至士農工商，或謂精神不濟，提神解勞；或滲加藥物，以振奮麻醉患處；甚者因好奇以高價購得，索性吸食。當毒品入腹，縱可暫獲一時之樂，然其五臟已受其害，待毒癮一發，身體憔悴，痛苦難堪，慘狀難言，只見口沫橫流、兩手顫抖、目光無神，淚出如珠，儼若萬蟻蟲咬。時而久之，飲食無味，面黃枯瘦，氣弱體衰，神智昏散，終日蕩蕩，身危半死，期至病痾人膏肓，後悔莫及矣！

今欲購得毒品，理智矇蔽，良心暗昧，毒癮發作，身不由己，遂而搶奪偷盜，時有所聞。今世人因貪一時暴利，喪心病狂，竟私製毒品，透過走私管道，暗操後幕，大量製產，以高價售賣，此行觸犯陽律，破人家庭，且損人身心，其德性無存，令人髮指，不論陽律陰懲，皆難饒其罪也。

奉勸販毒者，得其不義之財，一夜成富，損仁至極，然天網恢恢，疏而不漏，待被捕時，一切成空，猶如曇花一現，轉眼雲煙。今以毒品販售，身歿後難逃陰律制裁，子孫亦連及遭受惡報。爾等販毒者，能不回頭轉念，痛懲前非，三思後行否？

第十二章 擄童棄仁篇

清水祖師 降

詩曰：作奸犯刑毒心腸，離間骨肉苦悲傷，
擄童利己仁義廢，貽害子孫報禍殃。

竊以善惡，心之所辨，可善者，仁心之念，則不趨於惡行；可惡者，良心遮蔽，作奸犯科，何存善念之初。爾等為萬物之靈首，斯不知善惡之道乎？有謂惻隱之心人皆有之，此乃仁心天性自然之流露。惡之動念，實受外境之所惑，一時迷惘，走入歧途。聞今世人遠善近惡，慾心所趨，利令智昏，肆行無忌而玩物喪志，甚而逞其凶頑，泯滅良心，不務正業，浪蕩成性，猶恃惡行暴，聚黨逞豪，負惡棍之風名，為貪一時之利，奸詭取巧，辱善欺良，竟動擄人勒索之想，欲藉此詐財害命，其心之惡，令鬼神怒髮可誅！

且觀邇來擄掠童女之事，歷目在前，其行徑令人髮指！此刻勒索錢財，彼地父母心憂如麻，日夜焦慮，耳聞愛子之吶喊哭聲，卻未能釋手歸懷，親情人倫至此分離。受擄者生死未卜，爾父母心腸寸斷，誰無子女，悲悽慘然，何至於殘酷相待？此等匪徒，無端拆散家庭之



樂，毫無人性，甚者高價要挾，倘有不從，竟滅屍洩恨，手段至殘，與禽獸有何兩樣？一生託付已無存，留髮雙親歲終誰依，此情此境痛如刀割，又誰人替受？

此等歹徒，棄仁義如草芥，絕泯天性，視擄童若無事，或非法組團各地佈署，盯索物標，失蹤人口，犯案累累。竟有擄勒後，遂而高價轉售，或以變造假名，伺機遠售異國他鄉。所謂「一人造罪，三代禍殃。」人倫慘絕，剝離親情，生離死別，其過恐難寬赦也。此等因果日後當受果報，今種下擄童之因，陽受王法極刑，陰律慘遭絕嗣刑誅之報。

奉勸仁人君子，慎謀正職，莫因短利而自毀前途，自古而今，多行不義必自斃，若仍怙惡不悛，視吾文而不信，他日孽鏡臺前，悔之已晚矣！勉之戒之！慎行為是。

明燈寶鑑

愛部

護國九天宮忠孝堂 印行



第一章 愛惜五穀篇

湄州 天上聖母 降

詩曰：五穀珍米忍棄拋，輕賤路遺福德消，
勸民休看為俗物，蒼穹降罪過難饒。

溯古后稷教民稼穡，植五穀以育萬民，開千古利民厚生之食源，萬民臣庶，免受飢餓之苦。惟天長養萬物，俾使世人賴以維生，不可或缺者，莫甚五穀也。夫五穀者，種之美者也，始生為秧，繼則為苗，成則為禾，春耕秋實，歷盡三時作苦，民始得滿盈豐倉。穀之為物，先天食糧，集日月之精華，稷黍稻粱，皆為嘉種，乃性命滋養之寶珍，故五穀者民之命，國之本也。

農家之本，耕作五穀，冒暑而鋤，日曬雨淋，汲水施肥，除草耨土，日出以耕，日沒以息，終年勞瘁，盡心經營，使民庶享有粒粒米穀，可曾靜思此五穀集人力之所萃，辛苦備嚐，豈能不惜愛乎？爾世人捫心自問，五穀實為救命之金丹，供人賴以充飢之美食。反觀有者竟忘稼穡之艱難，輕賤五穀，任意丟棄，視為俗物，胡敢放肆，賤若廢土，何能曉此米粒如何得來？又有幾人視五穀為捧上珍珠，愛惜若己。輕棄者屈指難數，其數積累於溝壑中，



猶如山中小丘。廢餽中亦如河水滔滔不盡，可思此米糧倘加以珍惜，可以養治多少寶貴生靈？爾既忍心拋灑無節，暴殄天物，福報必損，有謂「福莫用盡，福盡必貧。」是以或飯或粥，飽腹之際，必思米穀得之不易，莫濫損身節，而自毀福德耳！

孟子有云：「富歲子弟多賴，凶歲子弟多暴，非天之降才爾殊也，其所以陷溺其心者然也。」故飽食暖衣，逸居而無教，則近於禽獸，爾為萬物之靈，必善知珍惜五穀之貴。試看婦女炊爨，不惜穀類於廚室，任如兒女嬌痴，登筵任其自食，狼籍滿地，卑幼不知惜物，為家長者不可不懲戒。有者釜底餘飯，隔宿之餐，尚能食而任意傾倒廢餽中。漉米作飯，米穀作糕，宜及時分食，切莫無節不惜，畜獸養禽，盡損米粒於籠櫝。亦有富貴宦家，因足食而不知愛惜，公署官衙，饗餐難退，任令傭僕，輕忽米穀之寶，隨意輕拋。或有食堂餐館之所，見食材溢滿，貪食無制，未能量取惜福，任其殘餘而撒棄食物，此等過失，天記分明。

古云：「小善弗為，小惡弗去，積而難掩，猶足以滅其身。」對於五穀不敬不惜，其罪過匪淺！世人未能大力糾正惡習，今藉聖藻木鐸重響，藉鸞闡教，倡愛惜五穀於寶鑑之中。倘不聽言勸，莫怪天罰斯民，禍降百疹於身，或而乾旱雷懲，或而癘疾飢饉，或瘟疫媒染，不只身受其苦，並再註削祿籍壽算。種種愆尤，均難赦免，此非天之不仁，實乃民自作孽，自損陰德也。若是人人能珍愛五穀，不以輕棄，時以勉誠後代，自可福報傳馨，將功補過，以消造罪之餘孽。是故不論士農工商，富貴貧賤，務要惜以珍米，當可歲歲豐而富收，盼能勤而奉行，莫輕怠之。

第二章 崇儉勤愛篇

護國元君 九天玄姆 降

詩曰：人生節儉富不窮，奢侈錢財運不通，
菜根美味心安樂，誠樸古道沐春風。



蓋自古民風皆貴乎節儉，昔物資匱乏，得之不易，先民生活，節用儉樸，安居樂道。與今世人未能量人為出，素乎貧賤富貴，不忘艱難，其風增長，實為一隱憂。人生天地之間，朝夕忙碌，亦不過為衣食飯飽，安身立命。財雖可為萬用，但積攢不易，血汗換得，當思難求易散，宜甚珍惜！

現今世人奢侈之風盛，推究其因，人窮其慾，貪而無饜，求甘旨之美食，奢華之享受，不知撙節，生活糜爛。《傳》曰：「民生在勤，勤則不匱。」勤儉者，係關於貧富善惡之攸分，貧者勤謀生而有餘，儉而不奢，善自見矣！富者善理財而惜福，節用有度，亦為善也。是故貧賤可因勤儉，有餘而富；富貴若因驕奢，戕耗而貧。倘若貧而有志，儉約自持，勤勞補拙，可轉富貴之格；反之富而怠事，沈溺酒色，好逸惡勞，終將落得貧賤之身。

古之君子不論富貴貧賤，其志高節，必當素位而行，隨遇而安，雖藜藿疏食，亦足解

飢，縱布衣素袍，其心猶足，儉而素樸，心安居穩，勤而約儉，斯節有守，何嘗不失君子之樂也。今之民庶，多見奢靡成性，勤而不儉，猶如漏器，雖滿積而亦無所存。所謂「業精於勤，荒於嬉；行成於思，毀於墮。」爾等世民當勤勞於正業，切莫荒淫無度，耗財產而惹罪愆，福澤如斯，莫以無謂折損，豈非愚人之舉，當深思崇儉勤愛之道也。

且以勤儉為治生之道，不勤則寡人，不儉則妄費，寡人妄費則財匱，當知富者不能永保其富，貧者即至終安於貧。今不勤者，聚狐淫黨，無所事事，虛度光陰，不儉者，妄費財貲而祖宗餘產怠廢無存。奉勸世人，若無端大興土木，為雕鏤之舉，平日無端竟尚華筵，諸多浪費，豈料暗中損福財祿，此皆不知節儉之過失也。

故今為勤之道，一則要深思遠計：事宜早為，物宜早辨，去惡向善，戒奢務儉。二則要晏眠早起：清晨而起，夜分而臥，則一日亦而復得半日之功，得無限之精力，凡事當可勤奮有成。三則要耐煩吃苦：人皆以身習勞苦為自戕其生，而不知是乃所以求生也。

今為儉之道，首要平心忍氣：切莫不自度量，與人競相比評，而求外表奢華，不惟破家，亦且損福。次為量力舉事：大凡土木之功，婚嫁之事，賓客酒席之用，必量力而為，莫以稱貸，好高求勝，償則無力，自損福德。三要節衣縮食：綺羅綾衣，雖令人羨慕，若煖其軀體，布衣與綺羅何異？甘肥之美，與藜藿之食，皆口喉三寸而下，知足亦無有不同。

爾等庶民欲為子孫造無限福德，惟有勤儉治家，儉以崇德，當知謹身節用，若持之以勤，守之以儉，自可得豐隆之報，清悠享福。

第三章 知足惜福篇

驪山老母 降

詩曰：世上貧富有定分，因果前定莫強爭，

惜福勤儉立家業，知足常樂可安身。

夫風俗之凋蔽，在於人心；而人心之敗壞，在於奢侈。奢侈起於貪婪虛榮之想，競鬥爭妍，相互比評，終究難以滿足慾望，無底深淵，不可自拔。多見富者不知惜福節儉，福報濫用，則損一分福祿，天司明鑑，絲毫不差。人雖有富貧之別，天則無厚薄之施，然而人各有命，惟以知命，所以知足。命定有數，人自作之，衣食福祿，當依其因果循環，自有前因也。

富者有飲食煖衣之福，貧者亦有粗布疏食之樂，所謂命裏有時終須有，命裏無時莫強求。然富貴者，不知惜福而奢侈，亦終為福盡而貧困。賤貧之人，若知惜福，勤修節儉之道，小富由勤儉，必也終為富貴。是故，富貴貧賤有其數，非天之厚此薄彼，當善積福田，廣種祿苗耳。

古者三年耕必有一年餘，九年耕必有三年蓄，故衣食有餘，民不至於貧困。倘遇凶荒之



歲，則無饑饉之慮。且古人謀業之道，祇求飽暖安居之適，布衣亦足適體。觀今世人則縱恣奢侈，舉凡婚喪賓宴，競驚外觀，衣飾冠裳，互爭風騷，稍不體面，則群相詆訾，偶不鋪張，則互相欺笑。富者僭禮越分而不顧，貧者典衣鬻業以求華，相習成風，造成社稷之亂象。為民者倘能惜福一分，則上天自當增長一分福祿，是以人生不可不惜福。孔夫子有曰：「飯疏食飲水，曲肱而枕之，樂亦在其中矣，不義而富且貴，於我如浮雲。」俯首沈思，惡衣菲食，樽節自安，此乃人生惜福久存之方也。

昔時賢人朱子亦云：「器具質而潔，瓦缶勝於金玉；飲食約而精，園蔬愈於珍饈。」此亦謂儉約可風。爾等世人生在福中不知福，已損福報，又未能反心自問，當知由儉入奢易，由奢入儉難，若能自食其力，勤勞耕鋤，則生活恬淡，心安無虧。倘不務正業，遊手好閒，自貶為乞丐，流落街頭又且奈何！或為富者，揮金如土，無端浪費，享樂損德，終究財盡人空，窮苦潦倒，人畏親遠，昔日風采友朋滿堂，亦如煙消雲散。或有人等貧富不一，幻享眼前之福，消祿損壽，晝夜呼三喚六，久處蒲戲場，好賭成性，棄妻兒不顧，如此既損福澤，最後終究因富轉貧。甚有人等徒欲眼前歡，自心未能知足，自貶火山孝子，享福於前，留戀花柳綠叢，荒逸迷蕩，恣淫嫖妓，錯認楚館琴樓為溫柔之鄉，當知一旦福盡則祿盡，終致身敗名裂，徒嘆歛噓！

勸爾黎庶百姓，樂天知命，寬心知足，惜福養身，貧富終有命，知福可轉命，福滿子孫賢，勤儉振門風，行家禮珍範，士農工商，皆當明悟惜福之道矣！

第四章 兄弟和愛篇

朱熹夫子 降

詩曰：兄弟和樂宅舍安，莫因小事起爭端，
閨牆干戈違悌道，手足同根莫相殘。



夫今斯世至親之情，惟父子外，莫若兄弟為最。《詩經》曰：「兄弟既翕，和樂且耽。」手足情誼，同根連枝，生則同胞，食則同器，衣則同服，眠則同榻，患難可以相扶，榮華可以共享，外此妻子朋友均未能逾其右者。當其童稚之時，竹馬同騎，共晨數夕，攜手偕遊，患難與共，其手足之情，可謂篤矣！

爾為兄弟，莫忘當年友愛情景，嘆何至今，綱常已廢，倫紀全虧，兄弟情誼不再，既已年齒稍長，門戶各分，或以一言之失，爭辯不能休；或以一時之忿，負氣不相下；或恃親寵愛，以少凌長；或隔室連牆，不通往來。雖斗粟尺布，錙銖毫釐，亦過為計較。兄弟之情，遂因鬩牆之鬥，正面衝突，日漸仇怨積聚，倘若兄不念鞠情之義，強欺弱而意氣相乖；弟亦反目未敬恭兄長，少凌長而驕淫成習，室已操戈，內則貽憂父母，外為鄉鄰譏笑，父母顏面盡失於人前，為人子者，豈能因私心而背棄手足之情？兄弟手足，本當相互扶持，處於貧

賤，莫因飢寒，而兄弟毫無聞問，不相往來。亦莫因富貴而生嫉妒，細事分爭。俗云：「一回相見一回老，能得幾時作弟兄？」是故，為人兄弟者，若能和氣致祥，各盡其道，則可生財，共振家業。

今之手足相戕，其因大半起於房幃之地，分財爭產，此豈無故而然哉？婦道人家之心量褊淺，細微瑣事，搨風點火，竟弄得事大如天，或因言語齟齬而構怨，或因貨財計較而生端，妯娌不和，訴投哭泣，益加間隙兄弟之情。大丈夫志在四方，而庭闈之事，諒未必盡耿耿於懷，倘錦帳內之鶯聲，唆其夫婿，挑釁門內，干戈蕭牆，燃箕煮豆，此毒心狼婦既無法助夫成家，還陷夫於不義，灶君司過，記錄分明。

爾等可曾試聞管、鮑訂知心之交，歡聯手足；左、羊敦雅誼之道，生死誓重；伯夷、叔齊兄弟因讓國偕行，餓首陽而萬鍾弗顧，棄天下猶敝屣，視富貴如浮雲。古人獨步先登，兄弟賢德，互相敬讓，更觀夫草木無知之物，鴻雁至微之禽，亦知列序同行，奈何人為萬物之靈，竟以手足相殘，而失天性之真也。

倘若兄弟能真誠和融，不奪不爭，同氣同根，宜兄宜弟，聯花萼之交輝，庶後世之梯模。切莫兄不兄，視弟競相爭鬥；弟不弟，待兄何異仇寇。凡事相忍相讓，同心同德，退一步，海闊天空本無事，忍一時，必化干戈為玉帛。奉勸伯仲兄弟之間，當以和興家，亦需知兄弟共居一室，千年難遇，若能倫常相顧，必可為後代子孫之範，行悌道互愛互重，則門第必可生輝，家道世代昌隆。

第五章 敬惜字紙篇

復聖 顏夫子 降

詩曰：字紙惜用敬若神，清淨無穢莫拋塵，

捨焚有處莫輕賤，千金難買聖賢文。

溯自上古結繩而治事，聖人倉頡易之以作書契，字之興也久矣哉！蓋鳥跡蟲形，刻甲骨占於卜筮，六書並作，其文字有泣鬼之奇。字為聖賢所創，上至君相，賴字以為制治之原；下及庶民，無字難以用行之準。為士之文人，無字何以著文章、傳道義？用於農者，買其田宅，無字何以成文契？用於工者，丈量尺寸，無字何以度量衡？商賈廣貿易，無字無以記往還？行人異鄉遊，有字足以辨地域。祖宗雖年代之更，有字當可記錄而存遺，歷時而不斷；遊子雖異地之隔，有字當可書信問安，傳達真情。

爾既知文字書紙用之寶貴，然世人不知惜敬之方，類多輕投，有見污穢視若廢物，隨意拋棄，渺聖賢創字用義。甚見長輩不知教養，任婦女裁剪破壞，任子女隨意塗毀。士儒者模範未立，任子弟糟踏而無睹。既為士儒者，明知故犯，棄字如敝屣，陰鷲已虧，功名豈能登



榜而直上青雲？

蓋片文微言，皆屬聖賢之心血；斷簡殘篇，無非典籍之流傳。故惜字如敬聖賢，拈毫起草，下筆猶有神鑿，語句宜戒輕浮，尤以閨閣繡房勿堆經書，污穢之軀，莫草率而冒瀆。不可將書作枕，而閒消午夢之長。艷曲淫書，勿為圖利工具；經文典史，勿堆櫥櫃生蠹。今切莫不惜字紙而輕賤如草芥，或拭抹桌窗，或包裹穢物，或置經史於茅廁。若不識字者，不知惜字猶可原，然棄字不惜者，以識字文士者為多。今明知讀聖賢書而廢聖賢事，乃明知故犯，罪加一等。

士為四民之首，見蠢魯愚輩，須時加告誡，勿使遺棄殘字於道左，逢村夫兒婦，必以惜字而勉，善以貯存，以期收捆，再作紙漿。今世之人，知惜字者多，付諸行動敬惜者少，知惜字於有字之後，更宜敬惜字於未有字之始。當曉離人骨肉、離人婚姻、代人訴訟、兄弟鬩牆、害人性命、污損節操，此等字文不出，猶勝惜字之貴，爾士子莫藉筆墨之才而損陰鷲。奉勸有心惜字人士，愛惜聖賢字，可積子孫賢，輕視賤棄者，天地猶可鑑，鬼神臨之而怒赫。今日損字輕則自削祿籍，重則損後代福報，因果昭昭，如影隨形，盼諸民庶，當謹記遵行。

第六章 和睦鄉里篇

天仙狀元 邱長春真人 降

詩曰：鄉里和睦相互依，守望相助近如親，

里仁為美善德厚，相安無事自安平。

古昔五家為比，五比為閭，即二十五家為里，萬千五百家為鄰，是鄉里之內，有戚族在焉，有賓朋在焉，雞犬相聞，屋宇相接而比鄰，出相見而人相親，守望即可以相助，所謂：德不孤必有鄰。若逢同鄉，語音倍覺親切，且鄉鄰者，朝夕所親見，安患所與同，故遠親不及近鄰也。倘面見有似仇敵，遇患難之事，未聞探望扶持；逢水火盜賊，亦未曾協力相慰，此等人生如子獨孤僻之輩，鄉鄰已不和，天下豈能不干戈禍殃耳？

甚聞狐群結黨，虎輩爭雄，不敦禮讓之規；鼠狼橫行里巷，盡逞圭角之氣，或壓鄉中之父老，或欺里內之孤窮，或侮一鄉之善士，任霸凌糟蹋踐虐，以霸權恃己，何人敢言？爾等里鄰愚夫，其苦孰與人談，多見富者欺貧，強悍者倚勢挾於弱輩，此皆自損福德。甚有佔耕圖產，彼此貽蠶食之譏，遠近畏虎貪之患。今日欺人不知睦和鄉里，造福鄉民，攬權欺榨，



終日閒晃，已為里民交相唾指，有朝一日必自食惡果，遭受橫報。

古人云：「八百買宅，千金買鄰。」足見鄰里之關係，尤為重要也。然斯世斯民，古風不再，罔知立德之不孤，俗弊相沿，怎曉里仁之為美，未能相忍以禮為鄰。縱富貴一方，刻薄驕奢，貧賤無志，自甘墮落，雖共處一鄰，竟形同陌路，又怎能互助共患？

異鄉行浪跡江湖，相逢盡萍水之客，路隔千里，情繫萬種，以和處之鄉里，相見三分情，平居無宿怨，若能廣結善緣於異鄉，情誼儼如同堂之親。切莫因細語微嫌，而鬥舌爭奪，因產財而致起訟端，若能群安其業，視之如弟兄，則可相安無事。遇鰥寡人士，奔走募捐，贈恤急難；逢孀孺之輩，集結里民，扶持慰助；聞孤獨老朽，衣食無靠，貧獨無嗣，當以探親如長，時以方便送食養身，其德可廣積陰騭。

是為鄰里同鄉，以和為貴，雖為士農工商必同心相連，有難相濟持，自種福報於無形，遺德於子孫。倘視里民遭禍而袖手旁觀，落井下石，毫無憐憫之心，天良喪盡。日後當受因果之報，由富轉貧，由貧轉賤，天眼監察，疏而不漏。勸爾百民，欲邀福致祥，尤宜存敦厚之懷，賢以化愚，善以醒惡，道德一而風俗同，則鄉里自當和睦安平也。

第七章 治家修身篇

宗玄明德真君 譚長真 降

詩曰：治家振興勤儉先，修身以禮勸子賢，

物慾寡求知足樂，閭家開懷慶豐年。

夫欲治國者必先齊家，而齊家者必先修身，治家之道，貴在和睦，父兄身以正，子弟焉能不為正焉？家和萬事興，處同屋簷室，上至父母，下至幼輩，若皆具尊長愛幼之心，必能興家。所謂修身而後齊家，其理何？己能勤，子弟奚敢不勤？己能儉，而子弟奚敢不儉？若身為父兄，貪利奪勢，縱財謀私，或時以貪婪淫靡之思，出入酒色邪地，身已不正，子弟焉能不習，自是效之如法，仿模其道。

自古而今，灑掃應對進退之節，為世人修身之方，幼輩啟蒙，知識未開，正值弱冠之齡，易受環境、習性所染，財色誘惑而亂方寸。今之世人竟譏毀古賢制定家訓法則為謬事，驕縱子弟寵溺有加，未以修身教養，綱維禮儀全廢，目無尊長，遊手好閒，治家規則卻視若草芥，倫常顛倒而種禍亂之根，是以家既無治理之則，子弟必然規矩無方，禍端亦由此生焉。



竊見近世人家每有致犯淫穢，皆由防閑不密，內外不分，男女混雜，禮數不拘，以至釀成醜事，敗壞門風，殊可恥也。諸凡戚族鄰里，相與往來，家中女眷，一切相見，男女當有所規矩肅然，自不得而犯也。叔嫂姪孀，並肩雜坐，時刻閒談，必防閑檢點，莫忘修身之列。故治家當以修己，所謂「君子求諸己，而非求諸人。」己身束約而後人習之，今一身之不正，只因外有酒色財氣之惑，內有喜怒哀樂之牽，待人宜寬，律己宜嚴，自可不為外境而迷。

身為一家之表率，當知各人有其性，情緒不一，習性異同，宜當循循善誘，自當時時克己復禮。一家之主，若欲勤以興家，則己先不敢惰；欲儉以持家，則己先不敢奢；欲子弟之孝，則己先盡孝於親；欲人人與讓，則己必先戒爭貪；欲手足之和，則己先修和於彼。如是則一己修而一家之政亦修，一己治而一家之務自治。故己身正，治家嚴，當得子孝孫賢之美報。

古聖先賢欲治家，當以己身正而教諸人，行藏言語，宜防妻妾妯娌間隙不和。朱子云：「三姑六婆實為淫盜之媒，美婢嬌妻實非閨房之福。」此二語最為齊家之要。若欲家聲和睦，門楣光耀，切勿輕聽婦道讒言。今兄弟難合，鬩牆紛爭，妯娌反目，勾心鬥角，究其因盡在治家無嚴，任以藐視而敗壞綱常矣。

又聞勤儉為治家之基，當令子弟有常業，方不致荒淫迷蕩。富貴者有常業，則祖裘有積；貧賤者有常業，家道日興。再教後代子弟知廉恥，行禮義，格致其心，修身養性。是故爾等家道欲昌盛，子孫欲興隆，必先修身為範，當為齊家之本，士農工商者必遵行戮奉為勉。

第八章 夫妻敬愛篇

護國元君 九天玄姆 降

詩曰：聯姻秦晉誓親盟，男女有分定綱常，
和偕琴瑟鳳鸞鳴，敬愛無違振家門。



夫天尊地卑，乾坤定矣，萬物配合乎陰陽，此經常之道也。人倫綱維，五倫造端於夫婦。是故，天地為陰陽之本，乾坤為和合之相，乃知夫婦以男女而相親，萬物判陰陽而化育，此千古不易之定論。

自上古伏羲定姻親嫁娶之禮，正姓氏，憑媒妁，男女有其室；二姓聯一姓之親，人倫遂而奠其基。故《易》云：「有夫婦然後有男女，有男女然後有父子、君臣、兄弟、朋友。」是故夫婦之倫常，實為禋祀之所由關也。上以供宗廟祭祀之禮，下以開子孫苗裔之基，夫扶婦順，宜室宜家，遂延家道血脈，代代而相傳。

竊聞今之夫婦，男歡女色，棄離背妻，貪圖燕禽之好。妻也背夫，紅杏出牆，踐踏坤維貞操。嗚呼！夫婦之義喪矣，三從不遵，四德無守，殆喪倫綱。究其因，婦女者心嫌夫之貧



困，祖無遺產分文未卜，而愛慕虛榮，粉飾粧表。爾應知曉，姻緣本為前生定，富貴有無莫怨天。貧賤有因，夙緣今結，莫謂家富而奢華，莫視寒苦而生怨。是妻者臨此困境，當生堅定志節之心，輔助夫婿重振家門；是夫者倘若發達，宜惜守家業，糟糠之妻不可輕棄也。

斯世之夫婦不和者，或因門第不配，或因貌容不稱，佳偶怨偶，祇因男不忠貞，娶色不娶賢德；女不柔順，每逞獅吼之威；或入門而見嫉，輒聞交謫之聲，夫不夫，嫖浪成性，婦不婦，淫蕩居心。今若同心初結，則要同甘共苦，相互扶持，夫剛婦柔，陰陽調和，家旺必興。從來男子之性最剛，剛則語言易於不遜；婦人之心偏妒，妒則心機伏於無形。竊願世之為夫婦者，當貧富相安，夫愛妻賢，莫以言語生瞋，相視如仇。所謂淑氣滿門，共振家聲，端賴夫婦相處，互敬互愛，貧賤當相守，富貴宜相持。

《詩經》亦云：「宜爾室家，敬爾妻孥，為丈夫者不可不思也。」孟子亦云：「必恭必敬，毋違丈夫，為人妻者不可不知也。」是故，夫妻相敬如賓，禍福共患，夫者切莫偶行得志，便興遺棄糟糠之心；婦者莫言自恃豪門，頓起別調琴瑟之念。其家之和，共效梁鴻齊眉之舉，興家善聚祥和之慶，身行德範，為子女之典模，爾等夫婦當身正而引為奉行惕勉。

第九章 敬長慈幼篇

重陽祖師 降

詩曰：敦篤庭訓敬尊長，幼穉教養事從嚴，

體恤慈愛成德性，里閭宗族出聖賢。

且聞昔古盛世，先生有肩責而無諉推，子弟有拊循先有教誨，故《禮記》特著明文，誠以長有養，少有教，敦厚民俗，敬長愛慈之風，民治厚實睦親為典訓之模也！如此則天地太和之氣，集門閭於一家，長幼有序，倫常攸分。老者安、少者懷，聖人之素志，形諸寤寐，日常之間。時演今世，倫常頹廢，人心日薄，好犯上者，欺侮下者，屢見不止。賢敬尊上、好德有恭者，則為鮮矣！推陳時弊，揣究其因，乃不知上下尊卑、敬長慈幼之道也。

觀夫坐論一堂，長與幼互相談非而說是，羅列滿座，大與小共相使笑而弄歡，在上之身範不存，在下之倫理何知？習慣成自然，禮節分寸自無分，既亂語無倫，長者已失倫紀風範，身為幼輩豈尊於長否？今若為人長者，教化幼輩，當以體恤慈愛，治事以苛嚴。《詩》言：「慈愛者深，教婦初來，教子嬰孩。」諺云：「慈愛者篤」，可見慈非一味姑息也，必





養其德性。縱幼穉之年少無知，亦宜善導以嚴，曾聞孟母剪斷機布，造亞聖儒賢；歐母晝荻教子，亦厥成棟樑之後，爾言治幼之道能不從嚴否？然慈愛與苛嚴間亦曉節度，是以庭訓有聞，小子受教化諄諄善誘，敬長之道當於行而未敢逆之，長親視幼亦知愛之深，責之切，身言舉藏，不失其教後之範也。

且觀今之慈幼者，莫不以恣情放縱溺愛之，其足以貽害之。雖言體恤愛幼，實言非慈之義也。爾知天地之下，豈有無父之人，誰無長上？又豈有無幼之輩，不曾為幼？既有長幼何能失五倫之序？孔聖有云：「出則事公卿，入則事父兄。」又曰：「不學詩無以言，不學禮無以立。」其言敬長慈幼之道，誠千古不易之論也。是以幼教學習者，承聖賢之後，必體聖賢之言行。既如聖人言：「出則事公卿」，爾居位下寮者，當知如何自檢也；又言「入則事父兄」，則凡有分居卑小者，當知如何自謹也。若夫「不學詩無以言」，凡有子弟之教者，當知如何相勉也；而「不學禮無以立」，凡有父師之責者，當知如何相勸也。

是故，堯舜之道，孝悌而已；孔子之道，忠恕而已矣！古言：「老吾老以及人之老，幼吾幼以及人之幼。」能孝悌自能敬長，能忠恕自能慈幼，以慈愛教育子弟，不因貧富而分別，諄諄而導，訓之以禮。幼者循長者古禮受教，非是以輕慢拗性而忤之，必能導正復其良能之性。奉勸斯世人等，見長上如父，尊敬有從，施與幼輩調教得宜，治禮有法，進而推之里閭，修身而齊家，治國而天下趨於太平也。

第十章 廣愛無私篇

開漳聖王 降

詩曰：天廣無私日月臨，雨露均霑佑黎民，
好生仁德施博愛，民效至公德潤身。

竊謂天地覆載，日月照臨，三爻定位，普施萬靈。《傳》曰：「天無私覆，地無私載，日月無私照，霜露無私降。」天地至公，善惡皆施，有其廣博之愛，無所私偏矣。故四時有序，於民豐穀慶和；八節有慶，得以風調雨順，養其民利及物。於元春教之仁，於亨夏教之禮，於利秋教之義，於貞冬教之智，四季調和，天公至愛，爾民庶見之而能思習效焉！

然民等自私自利己，無廣愛之心，先得樂而損人，巧詐偏愛，寵傲慢高，目視無人，既未學三教聖賢之利民為民，竟玩褻私慾，逞己所能，善惡不分。若知天有大愛、有大患，何以分焉？人以善行利民，天施以佑民，富通壽考，雖以為天有其大愛，實為善人有其善報。若言天有大患，為其人造惡因，故饑寒凶厄夭折，非天不愛，實人自作惡殃也。是故，天心廣愛，視民善惡因果而施以照臨。爾為黎庶，皆為天生地養之子，實為四海一家皆兄弟，若能



同等大愛，其德自受鬼神欽，萬民兆仰之。

天惟至公，不生己而生萬物；地惟至公，不養己而養萬物，故而天地生養萬物，以利天下。雖不為己，然萬物歿後，其元氣而復諸還於天地，倘若天地有私偏，萬物如何歸根復位？今觀聖人以公而服天下，無為而治民心，教諸人倫，廣愛無私。而私心者，厚德罔知，不知公心廣德，盡皆患謀私其衣、食、住、財物，所得不當，以私害公，此乃其私害於身也。試閱秦始皇焚書坑儒，暴虐無道，欲求長生，用心計較，縱帝基以遺子孫，然天厭其私，自一世而二世遂滅矣！再聞齊叔桓以利己身，弑殺其兄長，而傳位以後裔，然天道好還，終受摧滅矣！其歷史明證，足見愛身而害身，因私以滅己也。

老子亦云：「聖人後其身而身先，外其身而身存。」故聖賢以至公而修身，推而齊家治國；倘以至私而害萬民，終為天地難容存。奉勸爾之世民，莫因私而費財，為富不仁；亦莫酒色無度，私肥己身以害家喪；莫因私心以利，圖謀不軌，禍國而殃民，擾社稷安寧。若一意孤行，私利私己，則天網恢恢，洞察幽明，因果昭昭，難漏毫釐，此等陽律難容，陰司恐刑之有名，宜謹記惕勉矣。

第十一章 械鬥勸息篇

冉伯牛夫子 降

詩曰：頑強恣狠逞英豪，刀光劍影哀聲饒，
忍氣平心戒械鬥，相安太和避禍囂。

夫血氣鬥狠之慘，莫以械鬥為甚，其因惟逞一時之氣，或為口角之爭，遂肇事端，刀光劍影，環刃相接，時而可見。縱逞干戈，行匹夫之勇，被施者已橫，強者恣狠，弱者傷殘，鳩眾黨羽，動輒形以殺氣，恃惡行暴，伺機報復，一決雌雄，不至人亡，誓不罷休，實為人心之喪，社稷之亂源。

觀爾近代，人心不古，習俗日墜，幫派流行，強悍之輩目無律法，心不存規戒，身不循禮範，由小聚擴以至於鄉里，影響風俗大矣。獨不思此身所得而來，若因口角紛爭嘶殺砍打，小則傷手斷足，大則性命難保，上已失天地好生之德，下則負父母養育之恩，外惹親朋恥笑，內貽妻兒憂苦，喪失人格，逞兇鬥狠，實禽獸不如，此惡孽之輩必終遭陰譴。

爾等於械鬥逞能，置死生於不顧，以報怨復仇為念，縱身陷法網而弗辭。可曾清夜自思



色身之存？當以孝道居心，倘一意孤行，鬥狠頑強，今日殺人，則身患償命刑責，鄰里鄉坊，家中老少，聞驚錯愕，此舉凶橫醜形，令人唾指。爾倘入縲絏囚枷，可曾為妻子父兄而思，其身何依，其情何堪？今爾爭忿恨之氣，造因果牽纏，一人得禍，家世得殃，倘律法無私，公正廉明，殺人者償命，豈不令白髮淒淒，孤伶孀妻含淚苦守終身，若刑期年遠，長拘囚牢，耗廢青春年華，虛度人生光陰。

是故，忍一時可保百年憂，退一步換來心安理得，堂上寬心和樂，闔家平安。莫謂因果無報，逞凶傷其無辜，天律昭昭，亦當受陰司殛刑，或受水火瘟疫之報。天道無私，善惡有定，若欲防弭械鬥爭端，必以勸誡因果之說，滅其囂凌恨怨之氣，若能以仁義為心，辭讓為念，處事三思而後行，切不可小不忍而亂大謀，慎思明辨，則將來必有可造之路，勉以惕勵，奉行不懈。

第十二章 勸惡助善篇

東嶽大帝 降

詩曰：善惡惟念福禍分，助紂為虐罪加深，
勸君惜身存天理，積德陰騭留子孫。

夫惡之初行，只緣一念之差；善心萌生，此乃良心知理。惡之為惡，非本為惡，乃迷昧自性，趨履邪徑，喪理天心，未逢貴人指引迷津，導以正途。古云：「人之初，性本善。」若因外境而受誘，或有一絲生機，惡人之名，孰能喜懷？今有者欲改過遷善，悔懺從前。然天下最可恨者，莫過於贊惡之人，雖明知為惡鳩毒，竟袖手旁觀，冷眼嘲譏，阻善助惡，推波助瀾而煽風點火，斥善為迂腐，使改惡之輩，路盡崖斷，生機盡失，絕人於前程，豈不泯滅良心，助紂為虐，實禽獸所不如。

當知惡虎雖凶猛，斷其牙則傷不及人；野鷹雖厲鷲，截其爪則攫不及禽。贊惡者，惡人之爪牙也，惡人復有輔佐，如虎添翼，則為惡愈恣。惡人本亦有良善之心，若能以理相勸，行以正道，規範邪徑，自不因惡念而行傷人之弊。《易》云：「積善之家必餘慶，積惡之





家必有餘殃。」為人處世，時刻必以見善思習，見不善則勸之改之，如此豈不善風愈長，而惡習愈滅，莫因神明無察而逆天行事，莫謂鬼神無鑑而惡行無法。

天道好還，福善禍淫，行以日善，福雖未至，禍自遠矣；行以日惡，禍雖未至，福自遠矣！故《康誥》曰：「惟命不于常，道善則得之，不善則失之。」凡人有勢不可倚盡，有福不可享盡，貧窮不可欺盡，此三者乃因果循環，周而復始。倘惡之恃，成於不自覺，爾知見聞，當以勸善回頭，諸惡莫作。若為惡明知故犯，放蕩無羈，視天理而無存，疑因果之謬論，昧己欺心，違乎倫常，逞兇頑無端生非，致親朋唾罵難禁，其行徑令人畏怒，噓而若驚，恐眾叛親離，無人可救拔，若再不猛省懺悔，待惡貫滿盈，則自受天譴而懲報矣！

縱世人行乎微善，力求神靈賜以福澤，若應驗不及，則怨天之不佑。雖福以力善，竟災孽隨身，祇因前世餘孽未消，孽盡福至也。且聞惡輩，損人行奸，佈毒作惡，恃權依勢，此非天心之不公、報應之無昭，乃其祖先餘德未盡，待其德盡，殃隨至矣！天本無言，禍福亦無門，人之趨善必得吉神助之，行惡必有凶星敗之。

奉勸爾等民庶，切莫暗室不見而僥倖，以利較計，行以凶險，早悟前非，早歸正路。好善者，福以子孫，行惡者，禍延三代，處善遠惡，自離輪迴六道而不墜，此千古不移之定律，爾世民當以奉行不怠也。

《明燈寶鑑》助印啟事

本書奉旨著作，列分四冊：《忠孝》、《仁愛》、《禮義》、《廉恥》。自民國80年辛未季秋至85年丙子孟夏止，歷經六年，三界高真降臨本宮揮鸞闡教，提倡中國八德倫理，篇篇金言玉語，實為嘔心瀝血之作，修身立命之寶典。

蒙上天宏慈，為使寶鑑廣為流傳，奉聖諭：特以頒佈殊勝助道功勳如後：

- 一、凡助印寶書乙本，記功十次，助印百冊各加善功品級。
- 二、宣講《明燈寶鑑》乙次，各記功十五次，司察神記之。
- 三、勸化乙部者，記大功乙次。
- 四、助道勸募捐施流通，四處結緣宣講，真心實善者，各依所贈而記錄功勳。

為冀廣印宣化，歡迎十方大德善仕，踴躍發心隨緣助印，並廣傳流通，四處結緣，代天宣化，使人手一本，請利用郵政劃撥帳號「一五三一一二五五號 修緣雜誌社」收，如有祈願亦請註明，凡助印造功者，本宮將造列名冊於初一、十五呈繳 上蒼鑑納，敘錄功德。

護國九天宮忠孝堂
修緣雜誌社

敬啟



《明燈寶鑑》

忠孝·仁愛·禮義·廉恥

【現世善惡因果報】助印啟事

本宮奉旨著作【現世善惡因果報】聖書，冊分上卷惡報篇、下卷善報篇，自戊子仲秋至己丑桐月止，歷時半年，每逢鸞期由三界高真引地獄罪魂及氣天神祇，敘述在世之惡行、善果，篇篇發人深省，金玉良言，用詞淺顯，實爲勸善教化之寶書。

蒙上天宏慈，爲使聖書廣爲流傳，奉聖諭：特以頒佈殊勝助道功德如後：

- 一、凡每助印乙本，記善功三次。以此累積。
- 二、若願廣發善書，四處結緣，讓人得聞此書而改其惡念、惡行者，凡一人各記善功十次。
- 三、以此書鳩集各地，發心宣說因果故事，讓聽聞者，願意知錯改過，懺悔前愆，以此因果報應之理，作爲後世警惕，各記善功二十次。改過者，不以禍刑求懲。
- 四、聽聞此書，自己更加善念堅定，持恆守道不輟者，各記善功三十次。
- 五、若有求福壽者，各依所愿，增添福祿。
- 六、求減災去禍者，各依其心懺悔誠意，而減其累世因果業障。
- 七、仁人孝子，爲父母添加福壽者，准依其助印善愿添記之。
- 八、爲超拔祖先者，九玄七祖必當功德迴向，可早超冥府輪迴。

期盼十方大德善仕，踴躍發心隨緣助印，每本工本費五十元，並廣傳流通，四處結緣，代天宣化，使人手一冊，讓聞得此書者改其惡念、惡行，廣積陰鷲福田，改善社會風氣趨於祥和之境。凡助印造功者，本宮將造列名冊於初一、十五呈繳 上蒼鑑納，敘錄功德。

護國九天宮管理委員會

敬啟

《神遇之光》徵求神蹟感應 啟事

本宮爲彰顯 九天玄姆慈悲救世，及諸聖神恩師恩主之神威顯赫，發心出版《神遇之光——修道神蹟感應錄》善書。

南天 文衡聖帝 聖諭：

諸生善心可嘉，道念俱足，發心爲使此部善書早日發行，一言一金玉，善念沖天闕。凡入鸞之生，人行一文章，其餘堂生、信眾，亦可投稿；共助善刊者，吾記大功十次，登臺說法者，一次各記大功五十。

邀請諸位善信大德，曾與 九天玄姆娘娘或其他恩師結緣之神蹟感應，皆歡迎踴躍投稿或口述，共襄盛舉，功德無量。

護國九天宮管理委員會 敬啟



九天玄姆聖傳 徵求贊助啟事

黃帝之師 九天玄姆乃先天一炁之上古真仙，傳世之聖跡隱幽難聞，娘娘願力宏深，助軒轅打敗蚩尤，是為開國仙師也。故每逢朝代更替，亂世衰微，娘娘必降臨顯化，扶助明君、保佑忠良而護國佑民。

此聖傳為 九天玄姆娘娘親臨闡述中華民族開國之經歷。黃帝憂國禱天，感聖神扶助，庇佑蒼黎。今聖傳完竣刊行，凡我炎黃子孫豈能不知民族源流之根本，盼此聖傳能得善德之士廣為助印流傳，俾使人手一冊，將 九天玄姆娘娘護國佑民之無為願力發揚，召感蒼生，而共助吾中華聖道之興盛。

凡助印造功者，每冊三十元，本宮將敬列贊助名冊，於初一、十五日焚呈 上天鑑納，以證功果。



護國九天宮管理委員會

敬啟

【誠誦聖號 有求皆應】

奉聖諭：

凡今後若有信徒，身染疾病或欠安者，可置清水（敬茶）一杯，置於佛前（神案前）；無神案者，可置於面向東方，三炷清香，恭請 九天玄姆娘娘後虔誠默唸（須許願），「大慈大悲大聖大願萬法教主開國仙師護國元君九天玄姆大慈尊」聖號四十九次後，飲用敬茶，有求皆應，應驗如雷，唯須悔過行善也。

請常恭誦「大慈大悲大聖大願萬法教主開國仙師護國元君九天玄姆大慈尊」



【為何要皈依鸞門】

自科技發達以來，人類追求物質享受，養成靡爛頹廢之生活，造成精神空虛，社會風氣因之敗壞不堪，遂使乾不遵三綱五常，坤不守三從四德。

原本天真樸實之性，於焉蕩然無存！在現今社會中，上下交征利之風氣下，導致君不君、臣不臣，父不父、子不子，夫不夫、妻不妻；而使此社會得了世紀——黑死病。

因此，列聖諸真有鑒於此，創扶鸞傳真之法佈教，所述真理應時應機，人人能懂，個個可修之法門。使修者盡棄一切昔日之非，恪遵列聖仙真之訓勉，注重克己複禮之修持工夫，並可改造社會風氣及復興中華固有文化。

是故，皈依鸞門修持，不僅使自身改變氣質，亦能扭轉社會頹風，創造一個富而好禮之社會。

【皈依的好處】

鸞門乃是在家修道居士之方便法門，以三綱五常、四維八德為準則，不拋棄家庭，亦無礙於事業之發展。

秉遵仙佛所降之聖訓，以及研讀先聖先賢之經典，二六時中修身養性，上可奉養父母于膝前，下能與妻娛子，內則家庭和睦，外可和氣以待人。

此不僅利己且有利於人，如能本此而修，實為個人、家庭及社會國家之福；除此之外，

又可以所積之功德消解自身之業障，進而超拔祖玄，蔭及兒孫。精進修持不二心，百年後自能位列仙班，永享品蓮。何樂而不爲？

【皈依的意義】

人有現在與未來，事有始終與本末，不把握現在即將失去未來。君子者——首當立命修身而安家，人生的過程中，人人每日都過著矛盾的生活，如同狂人癡夢般的幻想。《尚書》云：「惟狂，克念作聖；惟聖，妄念作狂。」簡言之，人的思想、情感、觀念，常給自已造就了無邊的罪業，無知的沉迷在六道輪迴中；妄念、情感與邪惡的思想，給當今的社會風氣帶來了無限的罪惡感。

本宮鑑於當今道德風氣敗壞，物質生活糜爛，精神食糧欠缺；除發行善刊雜誌贈閱外，並提供修身場所讓有心修身皈依者能有一修身養性之機會。人生只是「滄海之一粟」雖是一小粟，卻也是人類一份子；倘世間人人皆能「克己復禮」於仁，將昏沉散亂的精神加以修飾，當可會萬物於己者。

【如何辦理皈依】

若您有心加入此一修身消業行列，或願爲聖務犧牲奉獻效勞者，可於每周日下午2點親至本宮辦理皈依事宜，請自行準備五果一份叩答神恩。

每週濟世時間

一、叩問時間：

(一) 星期六 | 19:30 - 21:30 (號碼牌領取 開始, 限 15 名)

(二) 星期日 | 14:00 - 17:00 (號碼牌領取 開始, 限 25 名)
10:00 - 18:30

(中午本宮堂備有免費素食午餐)

二、叩稟個人資料：


(一) 姓名、出生年月日、時辰(以農曆為準)、地址、電話。

(二) 來函叩問者，須字體工整詳細填列叩問，不詳者恕難受理，請諒察。

(請附回郵信封及郵資)

三、叩問項目：(每人叩問限二項)

1. 身體
2. 事業
3. 運途
4. 婚姻
5. 功名
6. 家運
7. 查前世因果、功過(在學學生恕不辦理此項)
8. 姻緣何時至(未婚者)
9. 親人過逝後在陰間情形。亡者須滿百日後始可叩問，請詳填亡者姓名、逝世時間和享陽壽幾歲。(此項由陽世子孫代為叩問，叩問者須填個人資料)
10. 疑難解惑



本宮濟世叩問小啟暨班車時間

本宮社為方便前來朝聖及未開車之信眾大德上山叩問，特於濟世時間，在下列地點備有本宮專車接駁，班車時間表如下：

【上山】

1. 南港捷運站二號出口(右轉公車站前)：

星期六下午 5:50 分。

星期日上午 9:50 及 11:20，下午 1:20 及 3:20 分各一班。

2. 南港中央研究院公車站牌(郵局前)：

星期六下午 6:00 分。

星期日上午 10:00 及 11:30，下午 1:30 及 3:30 分各一班。

3. 木柵捷運站出口(捷運高架橋下與木柵路交叉口處)：

每逢星期日上午 09:30 及 11:30 分各一班。(敬請電話預約)

【下山】時間請洽本宮服務台。

【備註】

前來本宮之大德，也可搭市區公車 212、205、270、306、276、620、645、指南 679 號及休閒公車 113 至中央研究院站下車後，依上列時間表準時搭乘本宮專車，逾時不候；而木柵線須事前預約，謝謝合作。

修緣關心您

修緣秉持宗教「耕耘播種」的信念，為人類做最大的服務。

修緣是一本綜合宗教修身勸化期刊，為人們提供美好的生活遠景。

修緣關心您，更需要您的關心與參與。

修緣是一本只送不賣的綜合刊物，只要一通電話或來函索閱即贈。

修緣需要您的支持，無論是精神或財力上的支援，我們都珍惜。

如蒙隨喜助印，廣為流傳，我們衷心感謝。匯款請利用郵政劃撥。

讓沒看過善書的人，都能看，是我們的責任；讓不想看善書的人，都想想，是我們的目標。讓我們共同奮鬥，使修緣光輝普照黑暗的角落。如欲助印善書，請到各地郵局利用郵政劃撥「一五三一一二五五號 修緣雜誌社」收。或以匯票、支票、禮券、現金袋寄達，功德無量。

國家圖書館出版品預行編目資料

明燈寶鑑．仁愛部 / 護國九天宮忠孝堂著．

一 [新北市]：嘉德文化出版；

臺北市：修緣雜誌發行，民100.08

面；公分

ISBN 978-986-81728-5-2(平裝)

1.勸善 2.修身

192.9

100009784

明燈寶鑑 仁愛部

中華民國一十一年九月 再版

出版者：嘉德文化事業股份有限公司

發行所：修緣雜誌社

著作者：護國九天宮忠孝堂

宮堂址：台北市南港區南深路九十一巷三十三號

(本宮因南港區道路整編原先舊莊街住址變更為以上新址)

贈送處：護國九天宮忠孝堂

修緣雜誌社

社團法人中華儒道研究協會贊助

電話：(〇二)二七八六五四九四〇五

傳真號碼：(〇二)二七八三二四二五

郵政劃撥：一五三一一二五五修緣雜誌社

登記處：行政院新聞局登記證局版台誌第七九二號

郵政：中華郵政台北雜字第一二五七號登記為雜

誌交寄

網址：<http://www.jiutiangong.com/>

版權所有・請勿翻印

九霄鎮寰宇
忠恕一貫傳千古
天道育乾坤
孝門禮路列聖賢

ISBN 978-986-81728-5-2



護國九天宮忠孝堂
Hu-kuo Chiu Tian Temple
台北市南港區南深路91巷33號
No. 33, Ln. 91, Nanshen Rd., Nangang Dist.,
Taipei City 115, Taiwan (R.O.C.)
TEL : (02)2786-5494
網址 : <http://www.jiutiangong.com>

